



An den Verein der Rheinpfälzer in Köln am Rhein.

Es iß noch nedd so aarig lang,
Do les' ich in de Zeitung,
Wie aarem unser Palz doch weer
An Männer vun Bedeitung.
Besunners in de Liddradur,
Do kennd mer deß verschbiere:
Räⁿner, vun dem mer sa'e kennd:
Denn muß mer äschdeniere.

Deß Urdähl hodd mer lääd gedhaⁿ,
Un deß noch um so mähner,
Als ich debei mer sa'e mußd,
Deß schreibd mol wirrer äⁿhner,
Der eijendlich noch gar nedd kennd
Deß goddgesegend Lännche,

Noch gar nedd wäß, waß Pälzer Aard
Un Pälzer Leid un Menſche.

Dann deß, deß wääs jo 's klä"nſchde Kind,
Un leſt 's in ſeiner Bivel,
Un wer devor ſich indreſſierd,
Schlah' 's nooh in ſeiner Bivel:
Die erſchde Menſche waren jo
In unſrer Palz dehäme.
Dann Eva, die ſchdamind vun Aldribb
Un Adam war vun Lääme.

's iß wohr, de Biſmarck allerdings,
Deß war kä" Pälzer Ariſcher
Un vor de Sarah Bernhard aah
Sinn mer ſo ziemlich ſicher.
Doch waß die Viddradur bedreſſd,
Soll ſich noor kä"ner ſchneide,
Do ham'mer Name in de Palz,
Die aah ebbes bedeide.

Un iß 's aah kä" Dichderferſchd,
Kä" Geehde un kä" Schiller,
Schandei" un Stadler ham'mer doch
Un unſern Richard Miller;

Un wer im Forschdraad Mei seiⁿ Buch
Un Auguscht Woll dhud leese,
Ich mähn, der freegd Begriff genung
Bun Pälzer Aard un Greefe.

Gucken ehr Landsleid dord am Rheiⁿ,
Deß dhud mer grad gefalle
An eich, daß ehr uff Pälzer Aard
Un Weis' noch ebbes halle.
Ehr wissen, was die Palz eich war
Un was se eich kann biede,
Un was e ächder Pälzer isß,
Iß inweraal sefriede.

Godd er seiⁿ Pälzer Weiⁿ vor sich,
Seiⁿ Määre fescht im Aarem
Un hehrd seiⁿ liewi Pälzer Schbrooch,
Do werreds em aah ganz waarem.
Un wann de Deiwel selwerd dann
Stäämd uff de Schdelzehelzer,
Wer vun eich rufd 'm nedd endgäh':
Noor bei, ich bin e Pälzer!

Ehr hänn mich for die Meijohrsnachd
So freindlich eiⁿgelaare,

Wääß Godd, es hedd mer Schbaß gemachd,
Nooh Kelle mol se fahre;
Doch sinn mer hald dezwische kumm
So allerhand for Sache,
Deßmol gehds nedd, na", 's loßd vielleicht
Es negschdemol sich mache.

Doch ebbes will ich droßdem heid,
Versei"me nedd, se schreime:
Deß: daß ehr aah im neie Johr
Dord echde Pälzer bleime;
Dann werd aah droß so mancherääm
Sei" Schbuchde un sei" Fare,
Gier Berei" in Ewigkääd
Gedeihe, blie'e un wachse.

Un dodermidd genung for heid
Un wann ehr Häämweh schbiere,
Dann schreimen noor gedrooschd an mich
Un dhun eich nedd scheniere.
Ich bin e Pälzer grad wie ehr,
Kenn Pälzer Aard un Mensche,
Dann schreiw' ich eich, waß Meies gebd
In unserm Pälzer Lännche.